


DIORISMVS
VERÆ PHILOSOPHIÆ
DE MATERIA PRIMA
LAPIDIS.

Authore D. IOANNE de
CHASTELET Barone
de Beaufoleil, &c.



B I T E R R I S,

Apud IOANNEM MARTELLVM,
Typograph. & Bibliopol.
M. DC. XXVII.





DE MATERIA PRIMA PROPOSITIO.

*Artifex nequit introducere
formam substantialem.*

Nonnulli interpretantur
id quasi diceretur, de
formis animalium, &
vegetabilium duntaxat:
quod ex scilicet, non stent sub-
iectæ arbitrio nostro: eo quod
præter materiam, requiratur vi-
uentis determinata figuratio.

A 2

Alij putant, quod etsi in vegetabilibus & animalibus, artifex nequeat imitari naturā, ob præsuppositionem figuræ, organi, & animæ in metallis tamen id possit omnino. eò quòd ibidem nullum putent inhabitare semen, nullumque rectorem assistere: sed esse solam materialem syndromem qualitatum, & nudam elementorum temperiem, vapore tenuis commistorum. quæ idcirco ex quibuscumque simplicibus, in temperamentum elementorum consimile perductis, haberi æstimant indifferentem.

Aliqui denique volunt subaudiri formam ipsam, id est, actum substantialem, & entele-

5

cheiam compositi. & hi chymiam
ex pleno tollunt. quod putent,
nulli artificio subiectam esse for-
mam.

Imprimis certum est, hominem,
neque per artem, neque per na-
turam, aliquid creare (Solius nem-
pè Dei est, qui solus formas sub-
stantiales ex nihilo condit) sed
esse agens externum, ideoque
tantum occasionaliter, applican-
do actiua passiuis quicquam ex-
tra se producere.

HOc modo sumendo artificis
actiuitatē, certum esto, quod
artifex queat introducere, & indu-
cere formam substantialem; sub-
stratam scilicet, & accommoda-

tam materiam , debite disponendo , proportionando , adornando fouendo, & in summâ, actiua passiuis copulando. Imo vsque adeo quit præscire terminum generationis, & aduenturæ formæ quidditatem. adeoque sic sumendo, erit propositio falsa.

SCilicet ex vitulo , per artem Sapes generantur, ex melle ex rore anguillæ , ex palea mures &c. præexistente scilicet materia disposita artifex eandem promouet, donec Creator formam substantialem influat. Similiter habito totali semine tam vegetabilium quàm animalium, constat homunculum , insecta , aues , pisces arte tenus produci , item animalia , re-

ciproco recurſu, inuicem tranſmutari vt gobio in apes: anas in ranas: ciconia in ſerpentes: anguilla in lampetras &c. per artem tranſmutantur. Imo quæ alioqui ſolius naturæ ductu, nunquam contingerent. ouum ſcilicet putreret citius, quam quod ſine ſortu externo Artiſicis, per ſe, in pullum fatiſceret. Quibus primam interpretationem falſitatis conuincimus.

Alteram ſimiliter reiſcimus. In quantum ſtatuit inter mineralia, ex quolibet fieri poſſe quidlibet, & ex vegetabilibus, artificio quodam, fieri metalla, & (quod magis arduum eſt) electiōne noſtra, determinata. Item, & in

quátum rectorem internum, & se-
mẽ metallicum negligit, adeoque
secúda interpretatione, propositio
nedum falsa crit: sed & impossi-
bile includet. Videlicet cum ho-
mo nil aliud queat, quam appli-
care actiua passiuís, separare sco-
rias indè emergentes, iuxta & fo-
uere, calore externo, actiuitatem
inceptam: Sequeretur, quod sub-
dicta interpretatione. homo per
imaginationem, aut externo suo
adiumento, possit introducere
ad libitum suum, formam quam-
cunque. adeoque non ex deter-
minato, determinatum, sed quid-
libet ad nutum nasceretur.

R Espexerunt, Sapientes in pro-
positione, eos, qui ex primis
quatuor

quatuor elementis, aut indebita materia, lapidem fabricare annitebantur. dicentes idcirco, vatum laborem artificis, quotiescunque non assumeret materiam, à natura præparatam, & quidem taliter, quod ipsi inhabitaret verus opifex, feminalis Archeus, quem proinde formam substantialem, tanquam causam pro effectu denominarunt.

R Espexerunt inquam Philosophi, Aristotelis ignorantiam, qui Archeum non agnoscens, putavit fictitiæ materiæ hyle, inhabitare dispositionem materialem (quam eius potentiam nominat) ad omnes & quaslibet formas, adeoque formam essentialem, in-

de gradatim deduci ratus est. Cau-
sam nimirum efficientem omnem,
externam putauit : atque ideo effi-
cientem Archeum intèrnum, &
seminalem illum spiritum, peni-
tus in generationibus rerum, cau-
sisque naturalibus neglexit, omi-
sit. vsque adeo erroris anam as-
seclis præbens, qui artificio suo,
fotus, & sua intentione, putarunt
rem vnamquamque determinare:
& in hyle sua eorum, producere
dispositiones materiales, ad nu-
tum suum, vnde tandem intenta
forma, necessario affluat.

Philosophi igitur in propo-
sitione, Sub nomine formæ
substantialis, non aliud volue-
runt, quam Archeum seminale.

Quia scientia habet non errantem, qua fines, modos, figuras, proportionēs, & omnes proprietates específicas, nouit, ac iuste architectatur.

HVnc nempe Archeum, Artifex nequit ullatenus introducere, aut mutare ad libitum: destruere quidem potest. Hinc vetitum, ne qua admistio rei extraneæ, & quæ non sit de intentione naturæ, cum materia ex qua, lapidis, fiat. Imo ignis feruor nimius strictè interdicitur, ne germen, id est, Archeus, comburatur.

Vbi igitur deficit Archeus, ubi forma essentialis Archei comes, est diuersa in simplicibus,

ibi quoque omnes proprietates
essentiam consequentes, sunt ne-
cessario diuersæ; cum sint forma-
rum effectus, indicia, pedissequæ
& organa.

Igitur, cum forma, ultimæ in
generationem superueniēs, pre-
supponat dispositiones determi-
natas in materia; sintque eæ, ven-
turæ formæ satellites; necesse est,
easdem habitare (si præexistent in
subiecto, prout ipsum necesse est)
in quodam formæ substantialis
præexistente preconē, Vicario. Id
est Archeo, qui cum sit principa-
lis generator, generationisque to-
tius opifex: necesse est, in specie
differentibus subiectis, existere
quoque specie differentem Ar-

cheum. Eum idem manens idem,
semper natum sit producere idem,
& non alienum. Quod axioma
tantum de Archeo subauditur. Si-
quidem forma generantis, nil ge-
nerat, cum sit externa generato.
neque enim animæ, animas ge-
nerant.

Non enim malus, rosas fert,
nisi insititias ac spurias. *Her-
ba enim virens, adferat semen, & fru-
ctum, iuxta naturam suam, & non
alienam vel adulteram. vetatque
ideo Deus, variorum animalium
commistionem.*

Igitur, Deo horrida monstra ge-
nerabunt, quotquot, diuersa
specie subiecta connectauit, ut-

cunque fermentatione, vnitatem
mentiantur. Imo incassum labo-
rant, qui materiam alibi venan-
tur, quam è rebus in quibus est
per naturam. Quippe formam
substantialem siue Archeum, Ar-
tifex nec condere nec introducere
potest.

DEnique etsi possibile foret,
naturam, extra germen, &
naturam suam, proficere: Atta-
men quia ~~effectus~~ ad longinquius ire,
& præterire propinquum, actus
agerent.

Metallico itaque principio
opus habemus, & non aliò
& quanquam in singulis, hoc prin-
cipium insit; & hætenus in cun-

Etis ars sit possibilis. proxime tamen in mercurij metallici hospitio habitat. non tamen ex mercurio solo operandum. siquidem metalla non disponuntur per se & solo igne sufficienter, vt germen illud edant quod intus latet & sub quo Archeus clauditur.

NEc sufficit Mercurius metallicus, licet propinquissimum artis subiectum, nisi simul adsit compar suum. Idcirco sumenda est materia supra terram, ex qua infra, natura paululum operata est. Id est, materia quæ in se habeat sulfur, & arg. viuum solaria. in quibus nimirum Archeus ad solem accinctus, insit. cum homo nequeat introducere Archeum, ne

que actu elicere ex re quod in ea non est potentia.

HVic iubemur ire ad fodinas, non quidem vt naturæ operationem (quæ nimis lenta & secreta est) obſeruemus, & imitemur : ſed duntaxat vt materiam propinquam & idoneam inde deſumamus.

AVrum, finis naturæ metallicæ vltimus tempore, digeſtione & intentione, non enim ex auro, deinceps quicquam efficere intendit. ergo in auro, effoeta, & elaborata propemodum eſt vis Archei, iam velut ſenſcentis. Sumenda eſt ideo minera cruda, & viridis adhuc. Id enim vinum
appel-

appellant laurum ac merito est. suadentque idcirco desumendum Virgineum, non vnde nobilium vasa cuduntur, non denique quod ignem vnquam, aut artificis manum explorauerit.

SI itaque aurum resoluatur in Spinguedinem, in vitriolum, in butyrum tincturam imo in Mercurium & sulfur. necessario languidus & fere exoletus Archeus senilis inde deprometur. vnde non nisi debilem foetum expectare conuenit, nec proiectionem peculiosam: sed talem duntaxat, quæ corporis destructi, compensationem, sine propagationis foecundo foenore, dederit. Quia nempe Archeus in auri

generatione ad finem destinationis suæ, iam decurrit. nec profecto ad vltiorem perfectionis gradum fatiscente vita Archei, aurum laborum tædio vnquam proficiet.

NEc refert vegetabilium ramulos, subinde edere Archeum propagationis studio incumbentem, quoniam alia est vegetabilium generatio, & multiplicatio, quam quod eam metalla ad amussim referant. ~~In vnoquoque re-~~ gno scilicet, alius fuit generationis vt vsus: ita processus vegetabilia namque sine satoris auxilio, sola humectatione, sponte plærunque germinant. & cæpæ tabularis pendulæ, per se proficiunt. At metallicæ procreationis,

non eadem fuit necessitas, non eadem lex. Atque id circo, Sacra habent, non quod vnāquæque herba proferret semen (sic nempe & metallum protulisset semen, quia herba est sui regni) sed vnaquæque herba virens. Vnde liquet & metallum virescens, nondum repagulis coagulationis conclusum, nondumque ad stadium destinationis deuentum, semen etiam proferre. Quod benignitate Creatoris, Soli Artifici, non autem naturæ substratum est. vt ex inde videlicet, subductis fecibus, metallici inquinamenti occasionibus, semen illud sospes nanciscamur, vnde tandem queamus feminare, non per longam dispositionum alternantium seriem, tædiosam-

que patientiam, sed in ictu oculi plantam proferre ad similitudinem, Archei illius, vnde dimanauit.

V Anum quoque intēdunt pluri. per fermentationem nimirum, res alienas, auri resoluti imperio subditas, in metallicæ, indolem transplantari posse. Ut-pote fermentum, nil substantiale generat, quod antea non fuit: sed solam ~~introducitur~~ alterationem & dispositionem, accidētalem: eamque nondum in quæuis subiecta, sed duntaxat in habentia symbolum. Sic quidem fermentum, farinam fermentat, & in fermentum mutat, quod non est extra speciem suam, nec item idem fer-

mentum, animalia, lapides, ac metalla fermentat.

AT si ex vegetabilibus naturam animalem, & ex vtrâque naturam mineralem, subinde sibi fabricet natura: non id sanè per fermentationem, tanquam transformationis formalis effectricem, sed per veram generationem substantialem, efficit. In qua prorsus necesse est priorem Archeum, virtute, & idæa formali prius exui, per inferioris harmoniæ dissolutionem, vel prioris Archei expoliationem (duo namque rectores, in eodem subiecto, se minimè compatiuntur) Archeus etenim exolefcens, cum ad finem laborum, & destinationis peruenerit,

ulteriore scientia regendi, duratione, & destinatione destituitur, & nudum fit, simul cum mole corporea, cui præsidiuit, noui Archei substerniculum, in nutritionis, generationisque nouæ cuiusvis lithurgia, necessarium.

AT quia nobis ignotæ ac inuisibiles formarum substantialium essentia, idcirco per ipsarum proprietates. Archeicas similes, formarum identitatem, similitudinem, absentiam, præsentiam, & nomina, conijcimus. Nec licet vllatenus ex malleabilitate & ductibilitate, dimetiri formam & essentiam metallicam. Sunt namque nimis materiales determinationes, ad formæ vel definitionis

essentialis constitutionem prorsus
impropriæ. Adesse etenim & ab-
esse possunt, citra subiecti corrup-
tionem. Quinimo ipse lapis glo-
riosus, (forma informans aureita-
tis) totus est inmalleabilis, imo
aurum, prius ad mallei ictum ex-
tensibile, frangibile, atque friabile
facit, si in medicinam ipsum con-
uertat. Itaque ab interioribus po-
testatibus vitalibus, id est, ab
Archeo formæ, formam dimeti-
mur.

Sapientes itaque semper fer-
mentum specificę unitatis cum
fermentabili voluerunt, & inepta
diuersarum specierum fermenta.
hoc pacto quoque, mercurio ad-
natum est compar sulfur. vnde la-

pis, vaporabili artificio, in aëre
 commixtus, tandem seipsum blan-
 do calore dissolvit, & postremo
 fermentat. & quamvis subinde
 corpora Solis aut Lunæ, dicantur
 fermenta improprie id nempe
 dictum est, & ad hoc scilicet, vt pri-
 ma proiectio instituat, supra au-
 rum & argentum : quò scilicet,
 omnem omnimodam, metalli-
 cam, vltimatamque proprieta-
 tem, nanciscatur metallum, quod
 per ~~proiectionem~~ ~~transmutan-~~
 dum est. vt vt est, siue aurum, siue
 ens auri primum, siue Mercurius
 Philosophicus, vel eius sulfur,
 vel elixir, fermentum dixeris. idem
 est. & eiusdem speciei subiectum,
 ab eodem ad idem recursus & ref-
 pectus vniformis, perpetuus & vni-
 uocus.

Quim

Quinetiam custoditur fermentandi lex interrupta minime, quæ ut neque ad genere diuersa protenditur, ita neque permittit fermentum ullam generationem aut nutritionem veri nominis (tamen si appositionem nouæ materiæ complectatur & incrementum) comprehendere prorsus. cum non sit transsubstantiatio inter fermentandum, nec progressus à non ente, ad ens: sed ab ente, ad ens, non quidem formalis, sed accidentalis perfectionis, aut inferioris qualitatis alteratiue participatione duntaxat.

Colligimus itaque si fermentum sit de natura auri: & fermentabile quoque debere esse.

D

Item si lapis, seipsum dissoluat,
 coagulet, fermenterque, ac va-
 rijs colorum signaturis adornet,
 ipsum utique debere viuere, scien-
 tia quoque Archeica vitali dota-
 tum, si iam dicta munia ordine
 quodam, & non præpostere expli-
 cet. denique si iusto acriore igne
 torreatur, rubedo ante nigredi-
 nem, aduerso ordine emergat, no-
 bis in testimonium, Archeum te-
 nerum, & viridem furculum esse,
 non autem auri completum cau-
 dicem.

Decoctionem autem eiusmodi
 volumus, quæ naturam exci-
 tet, & promoueat. qualiscunque
 vero fuerit ignis, modo sub custo-
 dia formæ substantialis, siue recto-

his Archei conseruatione incedamus, perinde censemus. Seminali nanque ente per ignem, aut alienæ rei permixtionem, semel violato, omnis spes laboris deinceps intercidit damno irreparabili.

Concludimus tandem, materiam à natura factam, Artifici substratam vnde incipiat, & taliter quoque ab eadem præparatam, vt omnia intra se contineat, quibus opus habet, frustra que exterius adminiculum excitatum iri, nisi intus vitalis moderator spiritus seminalis assistat fidus comes. Hanc itaque materiam, Artifex elaborat, ex ea separando sordes in opere primæ præparationis, idque per diuisionem materiæ in

duas sphæras, & multiplicem con-
 tritionum reiterationem quæ la-
 uet igne, & successiue per aquam
 comburat diuîsa ac depurata, po-
 stremo reconnectit inseparabili
 thoro, excluso peregrino quouis
 hospite, eidemque nil addendo
 aut detrahendo, fouet tepore
 iusto in scenæ finem vsque.

NEc posse esse nisi vnicum
 naturæ creatum, in quo pro-
 ximè sit requisitus Archeus viridis
 & fertilis. quod vt varijs nomini-
 bus contegunt, ita vnitæ & iden-
 titate Archei dicunt posse perue-
 niri ad veram illius cognitionem.



FINIS.